



Pou Piblikasyon Imedya: 15/02/2023

GOUVÈNÈ KATHY HOCHUL

**GOUVÈNÈ HOCHUL ANONSE FAR ROCKAWAY KÒM YOUN NAN GAYAN
REJYON VIL NEW YORK NAN KAD PREMYE FAZ PWOGGRAM NY FORWARD LA**

Far Rockaway pral resevwa 4.5 milyon dola

*Nouvo pwogram NY Forward 100 milyon dola a baze sou elan inisyativ
revitalizasyon anba lavil reyisi a pou sipòte yon rekiperasyon ekitab*

Gouvènè Kathy Hochul te anonse jodi a ke Far Rockaway pral resevwa 4.5 milyon dola nan finansman kòm youn nan gayan rejyon Vil New York la nan kad premye faz NY Forward la. Baze sou elan Inisyativ Revitalizasyon Anba Lavil reyisi eta a, pwogram NY Forward 100 milyon dola a adopte menm estrateji "Planifye epi Aji" kòm DRI pou sipòte yon rekiperasyon anba lavil ki pi ekitab pou kominate New York yo. Nan kad Premye Faz NY Forward la, yo pral akòde de a twa prim bay kominate yo nan chak nan dis rejyon devlopman ekonomik eta a pou sipòte devlopman ak aplikasyon yon plan revitalizasyon pou anba lavil yo.

"Lokalite ak vil nan New York ki pi piti yo se batman kè ekonomi eta nou an", **Gouvènè Hochul te deklare**. "Atravè NY Forward, administrasyon mwen ap bati sou siksè kontinyèl Inisyativ Revitalizasyon Anba Lavil (Downtown Revitalization Initiative, DRI) nou an pou asire kominate sa yo gen resous yo bezwen pou atenn tout potansyèl yo. Mwen fyè pou m anonse Far Rockaway pral resevwa 4.5 milyon dola nan inisyativ sa a pou sipòte pwojè lokal ki pral amelyore bote anba lavil la epi ede kominate a pwospere".

NY Forward se yon eleman santral nan efò devlopman ekonomik eta a, k ap travay ansanm avèk DRI pou akSELERE ak elaji revitalizasyon anba lavil ak koridò komèsyal New York yo. Kominate NY Forward yo sèvi rezidan lokal imeda yo epi yo pi lokal nan nati yo, kontrèman ak kominate ki nòmalman finanse atravè DRI ki konsantre sou amenajman ak atraksyon ki sèvi kominate reyonal la. Pou rejyon Vil New York la, kominate NY Forward yo se distri biznis nan echèl BID kote yo devlope pwojè avèk kontribisyon rezidan lokal yo.

Menm jan ak DRI, chak kominate NY Forward pral devlope yon Plan Envestisman Estratejik ki gen ladan yon seri pwojè ki fasil pou egzekite. Depatman Deta a pral bay plis asistans teknik pou pi byen sipòte kominate sa yo ki gen mwens kapasite entèn nan kad pwogram NY Forward la epi finanse pwojè ki apwopriye pou gwochè chak kominate.

Pwojè yo ka gen ladan renovasyon ak reyamenajman biling, nouvo konstriksyon oswa kreyasyon nouvo espas publik oswa amelyore espas publik yo ak lòt pwojè ki ogmante kalite espesifik kiltirèl, istorik ki amelyore santiman cham ti vil yo.

Far Rockaway

Sitiye nan pati ki pi nan sid Queens ak pwent ki pi nan lès penensil Rockaway, Far Rockaway se yon kominote divèsifye ak solid. Li sèvi kòm yon sant transpò milti-modal, avèk estasyon tren Mott Avenue A, estasyon Far Rockaway Long Island Rail Road, otobis QM17 Express vè Midtown Manhattan ak sèvis otobis pou Queens ak konte Nassau, pataj machin enfòmèl, pataj bisiklèt san platfòm pakin ak yon distans 20 minit nan machin vè Ayewopò Entènasyonal John F. Kennedy a. Anplis de sa, Far Rockaway anglobe wout entèpenensilè ki gen koneksyon ak plizyè otowout rejyonal pou ale nan Manhattan. Soti nan Trinity Chapel pase nan biwo lapòs ke achitèk Eric Kebbon te konsevwa rive nan biling bank ki gen fòm kwen an, anba lavil Far Rockaway gen karakteristik istorik menm jan yo jwenn nan vilaj ak ti vilaj ki pi piti yo ki sitiye atravè Long Island ak nò Eta New York. Li genyen tou yon kominote komèsan divèsifye ki depann anpil de achtè lokal yo epi ki sèvi kòm yon pwen antre pou antreprenè imigran yo.

Far Rockaway gen pou objektif revitalize anba lavil li a nan amelyore fasad li yo pou kreye yon zòn ki pi inifòm ak anbeli epi tou pou amelyore wout pyeton ak vizitè yo, enfrastrikti bisiklèt ak amenajman peyizaj lari yo pou mete aksan sou pwoksimite plaj Far Rockaway yo ak sant komèsyal anba lavil li yo. Li ap chèche tou etabli tèt li kòm yon destinasyon pou fè acha ak pou restoran atravè patenarya ak MTA epi nan kreye evènman sezonye, anyèl ak/oswa peryodik pou atire fanmi yo vin achte epi jwi zòn nan.

Sekretè Deta a, Robert J. Rodriguez, te deklare, "Pwogram NY Forward la se pwochen gwo etap eta nou an nan revitalizasyon anba lavil avèk yon konsantrasyon sou anba lavil yo nan kominote ki pi rezidansyèl ak pi piti yo. Kòm youn nan premye kominote yo chwazi nan rejyon Vil New York, Far Rockaway pral travay kounye a pou idantifye pwojè ki ede reyalize vizyon li yo ki santre sou kominote a epi transfòme katye sa a pou tounen yon premye destinasyon pou viv, travay ak vizite".

Prezidan, Direktè Egzekitif Jeneral ak Komisè Empire State Development Ian, Hope Knight, te deklare, "Enspire nan apwòch reyisi ak transfòmatè Pwogram DRI a, NY Forward pral ede kominote ki pi piti ak riral yo rive atenn tout potansyèl yo atravè nouvo opòtinite pou kwasans ak pwosperite ekonomik. Prim sa a pral gen yon efè retablisman sou Far Rockaway, transfòme kominote plaj ikonik sa a pou tounen yon destinasyon ki entèkonekte ak dinamik, epi ki prezante espas akeyan kote moun vle viv, travay ak jwe".

Ko-Prezidan Konsèy Developman Ekonomik Rejyonal Vil New York Ia, Winston Fisher, Patnè nan Fisher Brothers, ak Félix V. Matos Rodriguez, Rektè University of New York (CUNY), te deklare, "Envestisman estratejik yo ki te fèt atravè NY Forward pral gen yon enpak transfòmatè sou kominote ki pi piti ak riral yo, k ap kreye fondasyon solid pou kwasans ak pwosperite alontèm. Nou kontan wè vag chanjman

esansyèl yo ak enpak pozitif inisyativ sa a pral genyen sou Far Rockaway, k ap ankouraje rezidan yo, biznis yo ak vizitè yo".

Komisè Biwo Renouvèlman Kay ak Kominote a, RuthAnne Visnauskas, te deklare, "Nan revitalize kominote Far Rockaway ki divèsifye ak oryante sou transpò publik atravè envèstisman entèlijan ak lokal yo, rezidan ak vizitè yo pral benefisyè prim jodi a pou jenerasyon k ap vini yo. Mwen espere wè katye remakab sa a amelyore nan ane k ap vini yo grasa patisipasyon li nan Premye Faz pwogram inovatè NY Forward Gouvènè a".

Senatè Kirsten Gillibrand te deklare, "Mwen bat bravo pou Gouvènè Hochul paske li bay Far Rockaway fon sa yo. Lajan NY Forward sa yo pral ede amelyore enfrastrikti pou pyeton ak siklis nan zòn nan, pral ede revitalize distri biznis Far Rockaway yo epi yo pral bati fondasyon pou lavni li".

Senatè James Sanders Jr. te deklare, "Envestisman sa a nan Far Rockaway pral ede nan pwomouvwa biznis lokal yo, kreye opòtinite ekonomik, ak amelyore kalite lavi pou rezidan nan sidès Queens. Anons sa a reprezante yon angajman reyèl Eta New York pou abòde plizyè ane dezenvestisman nan Far Rockaway. Prim 4.5 milyon dola NY Forward sa a se yon temwayaj sou vitalite ak fòs kominote nou an. Mèsi Gouvènè Hochul ak tout pati konsène nan kominote a ki te rann sa posib".

Manm Asanble Khaleel Anderson, te deklare, "Antanke Manm Asanble Eta New York ki reprezante Far Rockaway, mwen kontan dèske anba lavil Far Rockaway pral resevwa yon prim 4.5 milyon dola nan pwogram konpetitif NY Forward la. Anba Lavil Far Rockaway pwospere kòm yon sant ekonomik, sosyal ak kiltirèl dinamik pou pyeton ak vwayajè klas travayè yo. Prim sa a pral sipòte kominote divès ti biznis nou, ke gwo tanpèt Sandy ak pandemi COVID-19 la te devaste, nan envesti nan anbelisman ak yon eksperyans pyeton ki pi inifòm. Mwen pran angajman pou m travay avèk Gouvènè Hochul, NY Forward, kòlèg gouvènman mwen yo, asosyasyon machann yo, ak lidè kominotè yo pou asire renesans apre pandemi an kontinye nan anba lavil Far Rockaway".

Manm Asanble Stacey Pheffer Amato, te deklare, "Mwen vle remèsyé Gouvènè a paske li rekonèt ti vil yo egziste nan gwo vil yo. Avèk finansman Eta sa a k ap antre, NY Forward pral ede kominote lokal nou an jwenn tout potansyèl li epi asire penensil nou an gen aksè a pati I ke li merite".

Konsèy Developman Ekonomik Rejyonal (Regional Economic Development Council, REDC) Vil New York la te fè yon pwoesisis revizyon awfondi epi konpetitif pou pwopozisyon kominote yo atravè rejyon an te soumèt, epi konsidere kritè ki anba la yo anvan ke yo rekòmande kominote sa yo kòm zòn ki nonmen:

- Anba lavil la konpак, avèk limit ki byen defini;

- Anba laval la ka kapitalize sou envestisman prive ak piblik yo te fè avan yo oswa katalize yo;
- Kwasans travay resan oswa iminan nan anba laval la oswa toupre li ki atire travayè yo, soutni reyamenajman epi fè kwasans lan dirab;
- Anba laval la se yon kominate ki abitab epi ki atiran pou divès popilasyon;
- Minisipalite a adopte oswa gen kapasite pou kreye epi reyalize politik k ap ogmante abitabilite ak amelyore kalite lavi;
- Minisipalite a te mennen yon pwosesis angajman kominotè ki djanm epi ouvè pou devlope yon lis preliminè pwojè ak inisyativ pou revitalizasyon anba laval ke yo ka mete nan yon plan envestisman estratejik;
- Minisipalite a te idantifye pwojè transfòmatè ki pare pou aplikasyon akoutèm avèk yon enjeksyon fon NY Forward yo; epi
- Minisipalite a gen kapasite lokal pou jere planifikasyon ak egzekisyon pwojè yo, ki gen ladan kapasite pou sipèvize kontra pou pwojè minisipal ki jwenn sibvansyon yo.

Far Rockaway pral kounye a kòmanse pwosesis elaborasyon yon Plan Envestisman Estratejik pou revitalize anba laval li. Yon Komite Planifikasyon Lokal (Local Planning Committee) ki gen ladan reprezantan minisipal yo, lidè kominotè yo ak lòt pati konsène yo pral dirije efò sa, epi y ap resewva sipò nan men yon ekip espesyalis nan sektè prive a ak planifikatè eta a yo. Plan Envestisman Estratejik la pral egzamine atou ak opòtinite lokal yo pou idantifye pwojè ki alien ak vizyon kominate a epi ki pare pou yo mete yo sou pye. Y ap akòde finansman pou pwojè yo chwazi ki soti nan Plan Envestisman Estratejik la genyen pi bon potansyèl pou relanse revitalizasyon an epi kreye nouvo opòtinite pou kwasans alontèm.

###

Lòt nouvèl disponib sou sit www.governor.ny.gov
 Eta New York | Chanm Egzekitif | press.office@exec.ny.gov | 518.474.8418